

nato carinæ. *Carina* basi ultra medium bifida, unguibus linearibus, longitudine unguium alarum, sursum curva, inferius carinata, lateribus versus basin tumida, sursum compressa, acuta, bifida apice, angulis baseos acutis, sinu rotundiore.

STAM. *Filamenta* decem, connata in vaginam; vagina compressa, striata, apice adscendens, fissa, fetacea; alterna breviora. *Antheræ* oblongæ, incumbentes.

PIST. *Germen* breve, pedicellatum, lineare, compressum, longitudine vaginæ. *Stylus* adscendens, filiformis. *Stigma* acutum, simplex, ante florescentiam subcapitatum.

PER. *Legumen* pendulum, lineare, quatuor alis longitudinalibus, membranaceis, exstantibus notatum, uniloculare, articulatum, membranis transversim striatulis, subplicatis.

SEM. tereti-linearia, 2. 3. 4. longitudinaliter posita.

En liten *Orm*, som de tagit i hufet.

172. COLUBER scutis abdominalibus 190, squamis caudalibus 70-80; longitudo duarum spithamarum, tenuis, colore cinerascens, glaber. *Dorsum* totum maculis inæqualibus fuscis, marginibus nigris. *Caput* ovatum, in specimine valde contusum, scutis duobus magnis inter oculos. *Cauda* quoque valde erat contusa. (Forte *Coluber annulatus*).

173. RANA *arborea* pedibus fissis, palmis tetradactylis rotundis, plantis pentadactylis: geniculis tuberosis. *Amœnit. Ac. p. 285: 9.*

Magnitudo & facies Ranarum fontalium aquæ frigidæ in Europa.

*Caput* subtriangulare, obtusiusculum, planiusculo-convexum, *orbitis* oculorum elevatioribus tumque protuberantibus.

*Oculi* rotundi nec parvi, inferius membrana nictitante, pro lubitu animalis, cooperiuntur iride aurea nitente; *pupilla* majuscula nigra.

*Aures*: foramina rotunda, magna, pone oculos & paulo infra, obtecta membrana tenuissima.

*Narium* foramina parva, punctorum instar, versus apicem rostri.

Trum.